




Б.К.Перновская



LUGDUNI BATAVORUM
SUMPTIBUS SOCIETATIS.
M.D.CC.XVI.

HISTORIA
A G N I
MONSTROSI,
A

Viro Clarissimo

D. MAURITIO HOFFMANNO
Profess. Altdorfino
communicata.

D 4 HISTO-

MVM

B 8810-4 Tw

HISTORIA AGNI MONSTROSI

Dissecti à M. Hoffmanno

VIII. Octobr.

CICCI LXXII.


Monstra rectissimè quanquam à monstrando derivantur, & calamitatis publicæ ingruentis sæpe indicia habentur, Abortus tamen hic monstruosus, Agnus bicorpor scil. sive gemellus unico capite præditus, nihil certius designat, quam insignem naturæ in generationis opere optimo maximo aberrationem factam ex vulgari opinione sive culpâ generantis vervecis masculi, copiosius spirituofiusque semen sumministrantis, sive culpâ concipientis ovis fæminæ, virtutis formaticis animatæ conatum connatum, per vehementioris imaginationis impetum & abundantius alimentum turbantis; etiamsi ex multitudine pluviarum nunquam non sinistra & viventibus inimicâ, humiditas ambientis & graminis nimia resultans, in cornibus hujus matris uterinis conceptus contenta, (uti haud raro in ovis gallinaram rebus nimium secundis gaudientium vitelli cum chalacis seu grandinibus duplices occurrunt, & incubationis calore excitati

extraordinarum partium proventum juvant) geminando peccasse dici, & hoc nomine quasi accusari posset: ex hac causâ omnibus prægnantibus ovibus jam per bimestre communi plures hujusmodi fœtus monstrosi hoc anni tempore per partum immaturum si rejicerentur.

In quo sequentia observata digna occurrabant ante dissectionem. Utrumque nimirum corpus ab unico capite quasi dependens, glabrum pilisque destitutum erat. In Capite enormes oculorum bulbi nigricantes sub palpebris protuberabant conglutinatis, quarum Tarsi candidi quasi lineâ longâ divisi conspiciebantur, ciliis destituti. Aures depresso & flaccidæ. In ore dentes nulli, rudimenta tamen incisorum inferioris maxillæ inæqualitas anterior designabat. Lingua teres, albicans, unica; Labra pallida. Thorax utriusque reverâ communis & amplior, sed & hypochondria utriusque suprà umbilicum obviam erant. Sub umbilico autem hypogastrium quasi distractum unicuique corpori proprium & distinctum notabatur. Utrique quoque corpori erat scrotum turgidulum, quorum testiculorum inclusorum vasा spermatica varicosa rubentia pellucebant. Membrum genitale utriusque nerveum, exile. Juxta scrotum utrobique binarum papillarum rudimenta candicantia manifeste eminebant. Utriusque corporis cauda in extremo contorta Octo artuum

extrema unguis binis majoribus, totidemquè minoribus candidis distinguebantur. Umbilici circulo quasi membranaceo atque integumentis ventris communis distincti, exteriora aspera quasi granulis aspersa cernebantur. Facta hujus & Epigastrii communis dissectione Arteriæ umbilicales ad utrumque corpus binæ, utrinque vesiculam urinariam vacuam includentes distrahebantur, quibus Vena umbilicalis sub Epatis cavo simplex enata, sed mox ab exortu bifida associebatur. Epatis autem moles quasi gemina & inæqualis nullum vesicæ felleæ vestigium exhibens sed intestinorum voluminibus subjacens, utriusque ventri hypogastrium sub umbilico occupabat. Lien uterque exilis, oblonge quadratus, parum livescens, quorum alter corporis dextrihypochondrium dextrum inter intestina: alter sinistri corporis juxta ventriculi latus sinistrum situm habebat. Intestinorum volumina albicantia calami graminei crassitatem vix æquabant, paucissimumque meconium, proxima ad cæcum portiunctula sinistri abdominis pro Colo habenda, continebat. Varietas ventriculorum tenuissimorum ex unitate œsophagi ordinaria, minimeque geminata videbatur, intestina tamen à ventriculo ultimo manifestè geminata exorta varieque convoluta. Renes sat ampli, pro magnitudine corpusculorum, utrobique bini, phæolorum instar æqua-

li superficie cum manifestis glandulis succenturias
tis hordei granum vix excedentibus, ut & graci-
libus ureteribus conspicui, per quorum interstitia
utrobique intestinulum descendebat, Rectum
constituens. Dextri tamen corporis humiliores,
sinistri elatiores, lienique proximi & pallidi cer-
nebantur. Remoto diaphragmate pectoris cavum
indistinctum notabatur, cuius dextrum latus
pulmones flaccidi minimeque porosi, parum
rubentes; sinistrum Cor occupabat crassiusculâ
membranâ involutum, binisque tantum auricu-
lis, totidemque ventriculis elaboratum. Ex ejus
basi enata Aorta partim bifida, mox ad utrum-
que recurvatum vertebrarum ordinem deorsum
ferebatur, partim rectâ ad collum mox assurgebat.
Cætera de utroque sterno communi costis inter-
jecto, anteriori & posteriori dicendo, itemque de
geminatis sub prima majori colli vertebbris, sitis
invicem lateretenus adnatis, uti & de Capitis par-
tiumque extremarum ossibus mollioribus anno-
tanda Medicis relinquebantur in Sceleto oculis
felicius ac facilius usurpanda.



Literarum Explicatio.

- A** Umbilici intestinulum dissectum & arterias offerens, sub quibus Vena umbilicalis delitescit.
- B B** Crura binæ anteriora unius lateris, dextrum & sinistrum sursum retracta.
- a** Hepatis moles rubra ad utriusque hypogastrium pretensa, vesicula fellea destituta.
- b** Intestinorum volumina gracillima.
- c** Lien corporis dextri. **d** Lien sinistri corporis.
- e** Ventriculus membranosus. **f g** Renes dextri.
- h i** Renes sinistri **k** Intestinulum rectum ad anum descendens per interstitium renum dextrorum.
- l** Idem descendens per interstitium renum sinistrorum.
- m m** Scrotum utriusque corporis turgidulum.
- M** Diaphragma. **O** Cor fissuræ pro cognoscendis ventriculis divisum.
- P** Pulmonum portio dextrum pectoris spacium occupans, sicut Cor sinistrum.
- q r** Aortæ binæ ad vertebrarum ordines y y y reflexæ.
- s** Portio æsophagi, asperæ arter. & arteriar. carotidum.
- t** Sterni anterioris sursum reflexi ossa media.
- u** Cartilago hujus mucronata.
- x** Costæ dextri corporis dextræ.
- H** Sinistre per pleuram transparentes.
- x z** Costæ sinistri corporis sinistre.
- u** Costæ sinistri corporis dextræ per pleuram transparentes.
- y y** Vertebrar. Dorsalium ordines ad unum collum coeuntes.
- z** Superiora sterni à mutuo vertebrarum concursu retracta.
- h u** Intervallum costarum utriusque corporis sternum posticum includens, quod hic sub contentis pectoris delitescit. Cetera citra strukturæ destructionem exprimi non petuere.

HISTORIA
VITULI
MONSTROSI,

ab eodem

Viro Celeberrimo

D. MAURITIO HOFFMANNO,
Profess. Altdorfino
communicata.

HI-

HISTORIA
I T U T I V

MONTAGUE

DIAVOLI HISTORI

HOGH HISTORI

COTILLONI

JI

HISTORIA VITULI BICIPITIS

*Altdorffii dissecti à Mauritio
Hoffmanno Anatomico.*

A Nno Christi C I O I O C L V I I I. Ipsis Ca-
lendis Januarii in pago *Weinhoff* prope op-
pidum *Lauff*, vitulus biceps masculus post abso-
lutum sat commodæ gestationis consuetum tem-
pus perfectæ magnitudinis per dissectionem vac-
cæ in conatu parturiendi deficientis, vitæ hujus
luœm & tenebras mortis expertus, curâque No-
bilissimi ac Perstrenui *Dn. Joh. Paul. Löffelholzij*
Oppidi Lauff Præfecti Theatro nostro oblatus, re-
liquâ medij infimique ventris structurâ atque ar-
tibus unum corpus referebat, quamvis crura
posteriora, imperfectiora, adeoque imbecilliora
apparebant per quandam quasi retractionem an-
terioribus. Circà lumbalem dorsi regionem ossea
moles per disruptam cutem protuberabat, quæ
tertij capitis ventre conclusi rudimentum à vul-
go & calvaria credebatur, reverà tamen nihil
aliud erat, quam luxatio gibbosa vertebrarum
lumbalium, processibus suis disruptarum, cuius
occasione ob læsam spinalem medullam descen-
denter crura detrimentum passa videbantur. Or-
gana verò sensuum ut Oculi, Aures, Nares, lingua,

in utroque capite naturalis perfectionis cerneban-
tur , cum manifestissimâ dentium incisorum acie.
Ait præter naturæ consuetudinem larynx poste-
riori circumferentiæ parte sive cartilagine annu-
lari destituta aritænoideas Thyroides superficie
internæ agglutinatas habebat , ad vocis formatio-
nem vix satis aptas , licet callosa caro adjacens
robur & contractionem imperfectæ glottidis ju-
vare potuisset , viaque alimentorum ruminan-
dorum & aëris reciprocandi per utrumque collum
communis , Bronchœsophagus dicenda , utrinque
antrorsum sive versus sternum cartilaginea , re-
trorsum sive versus cervicem membranacea obser-
vabatur , usque ad jugulum sive pectoris initium ,
in quo non tantum mutuo concursu utriusque colli
membranæ œsophagæ à cartilaginibus absceden-
tes in unum œsophagum plane membranaceum ,
quem utriusque capit is hîc concurrentes nervi ad
Ventriculum usque comitabantur , desinebant ;
sed & annuli asperæ arteriæ cartilaginei quatuor
quatuor canales plane cartilagineos formabant ,
quorum bini majores & laterales utrinque ad pul-
mones utriusque lateris distrahebantur ; bini verò
minores ac medij medium pulmonum lobum in-
grediebantur . In Corde copiose pericardij aquæ
innatante , figuraque suâ non metam sed marsu-
pium carnosum obtusum repræsentante , alter
Ventriculus capacior , nervosæ valvulæ cujuſ-
dam

dam expansione, quasi septo, fere ultrà medium
 distinctus retrorsum ex auriculâ amplissimâ pro-
 dextrâ habenda Venam Cavam ad Epar & jugu-
 lum, antrorsum ex auriculâ angustiori ceu sini-
 strâ, Venam pulmonalem ad pulmones, tum
 dextrorsum Arteriam Aortam capiti dextro &
 pedibus anterioribus utrinque ante descensum
 propaginè suas offerentem, ut & Arteriam pul-
 monalem ad dextros pulmones exporrigebat; al-
 ter angustior ad majorem ventriculum, obliquo
 meatu post valvulas tricuspides patulus, ab auri-
 cula minori sive sinistrâ quasi valvulâ membra-
 naceâ semilunari hiante sejunctus, positu tamen
 suo sanguinem ab hoc Ventriculo minori potius
 excludente quam admittente, appendicis instar
 nucis juglandis magnitudine priori sive majori
 sinistrorsum adhærens, binas arterias offerebat,
 valvulis extrorsum spectantibus munitas, qua-
 rum major prope exortum in duos ramos divisa
 ad caput sinistrum, quasi hujus gratiâ parata,
 secundum latera colli sinistri excurrebat, minor
 verò pulmonalis sinistra appellanda in pulmones
 sinistros absumentebatur. Cordi accumbebant tres
 pulmonum flaccidorum pallidorumque lobi, quo-
 rum bini laterales majores, tertius vero interme-
 dius minor suprà basin Cordis obvius erat. Inter
 hæc Vasa pulmonum flaccidorum pallidorumque
 bronchia cartilaginea media ferebantur, quorum

primis ramificationibus accumbentes glandulæ capsulas atrabilares æmulabantur ; Inter Vasa verò Jugularia ad utrumque Caput dispensanda glandulosa Thymi moles , lacteâ humiditate turgens , utriusque colli commune veluti forum designabat , ubi & mutuus vertebrarum superiorum & spinalis medullæ descendantis concursus habebatur . An ruptis uteri claustris libere respiraverit ? præter subsidentiam Bronchæsophagi , tenuitatem bronchiorum pulmonalium , pectoris diducendi angustia ex arctissimo costarum cohæsu nulla spatia intercostalia fere admittente , vertebrarumque in se coactarum ordinem sequente , dubium reddidit . Sangris tamen Venæ Cavæ ex utroque Ventriculo Cordis per arterias simul ad pulmones & reliquas partes ferri , ex pulmonibus verò per Venam Pulmonalem ad Ventriculi majoris auriculam sinistram redire potuit citrè circulationis turbationem , uti alias in nondum natis moveri solet . Nam & h̄c auriculæ amplioris patentissimum foramen in auriculam minorem hians membranacea , fibrarumque nervosarum contextu reticulata expansione , ceu Valvula affluxum admittente regressum verò sanguinis prohibente , munitum conspiciebatur . In Abdomine ferè omnia naturalis constitutionis , nisi quod Epar vesiculam felleam enormous appensam habebat , bile tamen non turgidam . Renes mol-

molliores erant, quasi recens ex glandulis sanguineis concreti. Vasa umbilicalia pervia. Orchides ob vasorum spermaticorum brevitatem in Iliis conclu debantur. Intestinorum crassorum contenta fænum mansum præ se ferentia, parum dissimilia ab iis quæ in dextro Bronchæsophago occurrabant manifesto indicio erant, nondum natos ore alimenta quoque admittere ultimis diebus, uti hactenus contrà alios pro Hippocrate ~~παρεύεται~~ docui, atque è recens natæ puellæ, mox trucidatæ, ventriculo mucoso chylo abundante, non ita pridem in Theatro demonstravi. Atque hæc facile notare potuimus oculis aciem cultri Anatomici sequentibus, quamvis causam istius bicipitij mentis nostræ conjectura nondum satis capiat, cum in negotio generationis copia materiæ spermaticæ, Autorum consensu huic rei favens, incrementum commune & robur majus cunctis partibus tantum promittat, minimè verò in producendo ac efformando fætus corpusculo animi formantis vim ad germinationis aberrationem moveat. Probabile tamen est, conceptionem in undis forte factam, per repræsentationem utriusque capitis, vaccæ scilicet concipientis & tauri arietantis germinationi naturalem occasiōnem, animum per apprehensionem ad imitationem ita disponendo, præbuisse, quemadmodum Jacobum per objectionem virgarum detractione corticis variegatarum, gregis sui variegationi operam haud vanam dedisse ex Genesi novimus. T A-


EXPLICATIO
TABULÆ ADDITÆ.


- a Linguae dextræ superficies aspera.*
b Sinistra.
c Thymi glandulosum corpus è suo situ remotum.
ddd Portiones faucium utrinque dissectarum adlatera retractæ.
DD Eminentiae cartilagineis Thyroidis s. scutiformis ossis hyoidis cornibus articulatæ.
ee Epiglottis.
ffff Cartilaginiæ artenoideæ s. gattuniformes glottidem nullam hic efformantes, sed principium æsophagi.
gg Cavitas quædam sub Epiglottide inter cartilagines artenoideas.
hhhh Via alimentorum assumentorum & aëris reciprocandi utriusque colli communis, Bronchæsophagus dicenda.
ii Portiones ejus membranaceæ s. positice colli vertebris proxime adjacentes.
KK Portiones cartilagineæ s. anticæ annulares.
l Concursus utriusque bronchæsophagi in jugulo.
mm Æsophagus communis factus, totus membranaceus ad Ventriculum descendens.
nn Portio ejus triangularis sursum retracta ut utriusque concurrentis cavitas & bronchiorum ortus in conspectum veniat.
oo Cavitas dextri & sinistri Bronchæsopagi.
pp Principia bronchiorum lateralium ad laterales pulmonum lobos qq extensa.
r Medius pulmonum lobus sub pp binos bronchiorum canales exiguos admittens.
s Fungosa Carnis prominentia inter cartilaginiæ artenoideas se insinuans,
t Portio Æsophagi diaphragma perforantis ad Ventriculum.
uu Nervi 6. paris utrinque ad æsophagum communem descendentes.



- 2 Cor marsupium prescens carnosum.
2 2 2 Ventriculi Cordis majoris ambitus.
3 Auricula dextra dissecta.
4 Foramen ejus ovale latitudine pollicis membrana reticu-
lata munitum.
5 Vene Cavæ radix.
6 Truncus ejus descendens.
7 Diaphragmatis portio sinistrorsum retracta.
8 Truncus Vena Cavæ ascendens ad dextrum caput.
9 Truncus Vene Cavæ ad caput sinistrum assurgens, Vena
jugularis sinistra appellanda.
10 10 Aorta s. arteria magna è dextro Ventriculo enata.
11 Propago ejus carotides dextri capitis 12 & 13 consti-
tuens.
14 Arteria pulmonalis juxta aortam ibidem enata in dextre
lateris pulmones tantum abiens.
15 16 Aorta propagines crurum anteriorum.
17 18 Ventriculus Cordis minor appendicis instar sinistrorsum
dextro adhaerens.
19 Portio quedam auriculae sinistre hic delitescentis.
20 Arteria bujus Ventriculi sinistri major carotides sinistros
capitis 21 22 constituens.
23 Arteria pulmonalis sinistra ex hoc Ventriculo ad sinistros
pulmones tantum abiens.
24 25 26 Propagines Venæ pulmonalis ad sinistram auriculam
concurrentes sive in truncum collectæ.
27 28 29 30 Portiones glandularum sub auribus sive paroti-
dum.

F I N I S.





~~10-7921+26~~
~~058~~

M-78

10-00

